

Bilsena Šahman
Zastupnica SBB BIH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Vlade KS; n/r Ministarstva privrede KS

Sarajevo, 11.12.2019.godina

ZASTUPNIČKO PITANJE

Na jednoj od prethodnih sjednica tražila sam da se poduzmu određene aktivnosti oko postavljanja rampi na prilazne lokalne šumske puteve, kao jednog od načina borbe protiv bespravne sječe šuma. Ministar Bašić mi je između ostalog odgovorio da je Uprava za šumarstvo KS u saradnji sa KJP „Sarajevo šume“, u proteklom periodu realizovala aktivnosti postavljanja rampi u cilju zaštite šuma od bespravne sječe i bespravnog prometa šumskih drvnih sortimenata.

Međutim dobila sam informacije da na relaciji Srednje – planina Ozren ne postoje te rampe i da se na ovom dijelu svakodnevno bespravno sječe šuma i da neposredni rukovodioci KJP „Sarajevo šume“ znaju ko krade, ali o tome šute.

Na lokaciji Srednje – planina Ozren „Sarajevo šume“ vrši uništavanje puta, šumske rječice i okoline, dok na drugim mjestima propagiraju kako održavaju okoliš. Ovo područje je jedno od neiskorištenih prirodnih bogatstava, a toliki je nemar od strane nadležnih organa.

Inspekcija za šumarstvo je donijela više odluka da se glavni šumski put sanira i da se iz rijeke Rače, sliv rijeke Bosne očisti oblovina i ostali otpad. Međutim ništa se nije poduzelo na ukazanim nepravilnostima, čak resorno Ministarstvo privrede KS nije se udostojilo da građanima koji su slali dopise o ovom problemu putem e-maila, daju bilo kakav odgovor. Iako je napravljen novi asfalt dužine od šest kilometara, neće dugo trajati, jer ga pretrpani šleperi sa drvima uništavaju. Sa ovog područja se odvoze ogromne količine balvana. „Sarajevo šume“ puno uzimaju od ovog područja, a malo mu posvećuju pažnje. Vlada KS je u septembru 2018. godine dodijelila sredstva za sanaciju šumskih puteva opštinama Hadžići i Ilijaš. Trenutno na području sela Šići izvlače se balvani (već oko 5 mjeseci), napravljene su ogromne rupe i blato, tako da se malim vozilima jedva prolazi. Mještani okolnih sela su upozoravali iste, međutim na ove primjedbe su se svi oglušili. Potrebno je da što prije Vlada KS i resorno ministarstvo poduzmu adekvane mjere za sanaciju ovog područja, te što hitnije postaviti potrebne rampe i time spriječiti bespravnu sječnu šume. U Prilogu su slike pomenutog područja,

Zastupnica SBB u SKS

Bilsena Šahman

